

1910

年

第

卷

2301

期

第

2310

北洋官報

本局 第一百二十一期 法政學報 已出

目錄

宮門抄
上諭
交旨

奏請存記片
摺片十六則

公牘
○督憲札一件
△調查局詳一件
△平谷縣稟一件
△豐潤縣詳一件
△董事會移一件
△各省八則
△各國七則

文告
四則
△農商務分會章程
△涿州巡警教練所簡章

宮門抄

十一月十九日 禮部 學部 正紅旗值日 志公等謝 賞廕生 恩 趙國賢即赴本任謝 恩

澤公伺候 召見 召見軍機 澤公 趙國賢 學部江春霖麥秩嚴各遞封奏一件

上諭

十一月十九日內閣奉

上諭度支部奏陳明淮浙鹽務大概情形一摺朕詳加披覽深悉各省鹽務糾轄紛紜疲敝日甚非統一事權修明法令無以提挈大綱維持全局著派貝子銜鎮國公載澤為督辦鹽政大臣凡鹽務一切事宜統歸該督辦大臣管理以專責成其產鹽省分各督撫本有兼管鹽政之責均著授為會辦鹽政大臣行鹽省分各督撫於地方疏銷緝私等事考核較近呼應亦靈均著兼會辦鹽政大臣銜該大臣等務當和衷共濟通盤籌畫尤須體恤民艱一切事宜隨時奏明辦理以示朝廷整飭離綱與利除弊之至意欽此

交旨

十一月十九日 軍機大臣欽奉

諭旨翰林院奏遵旨併案保獎繕單呈覽一摺著吏部議奏欽此

諭旨御史麥秩嚴奏各省警察腐敗有礙憲政懇飭部速定民政司巡警道選任章程一摺著民政部議奏欽此

奏議錄要

護理直隸總督崔奏北洋高等巡警學堂成效卓著出力人員擇尤請獎摺

奏爲北洋高等巡警學堂創辦有年成效卓著謹將出力人員擇尤請獎恭摺仰祈 聖鑒事竊維巡警爲整飭

內政之大綱學堂爲造就人才之基礎北洋自光緒二十八年設立天津巡警學堂次年保定巡警學堂歸併天津統名北洋巡警學堂其時風氣初開需材孔亟卽慎選教習管理各員並延訂日本各專科教習分班講授先習速成漸次擴充其後重訂章程增益學科加展年限遂改名高等巡警學堂計日開辦至今先後五期畢業官學員人數在五百名以上兵學生人數近三千名均經發給憑照分別派辦警務至各省員生來堂附學及該堂員生應各省電調者有十五六省之多是各員生等深諳警學明習警章概可想見所有在堂出力各員或董理有方或訓迪不倦自應照章獎勵以示策勉而助勤勞據該監督開單詳請 奏獎前來奴才伏查政務處原奏武備學生畢業成就在六七十人以上准給獎勵等語保定將弁及武備速成各學堂並奉天警務學堂在事出力人員均經先後奏請給獎有案今北洋高等巡警學堂設立已逾八年學生先後畢業幾及四千人實屬有功警政單開異常八員尋常十一員委係在事出力並無冒濫謹繕清單恭呈 御覽合無仰懇 天恩俯准照擬給獎出自

鴻施逾格除飭取各該員等履歷咨部外理合恭摺具陳伏乞

皇上聖鑒訓示謹 奏宣統元年十一月十五日奉 硃批該部議奏單併發欽此

謹將辦理北洋高等巡警學堂出力人員酌擬獎敘繕具清單恭呈 御覽 計開 同知銜在任候補直隸州

知州已革良鄉縣知縣王汝廉擬請開復原官原銜並免繳留省銀兩 道員用奏留安徽差委直隸候補知府沈

金鑑擬請免補知府以道員仍留原省補用 指分北河試用縣丞費斌擬請以縣丞歸儘先班補用 分省試用

同知鄭潤東擬請免補本班以知府仍分省補用 揀選知縣崔永年步翼鵬均擬請以知縣分省補用 鹽大使

職銜周慶恩擬請以鹽大使分省補用 州同職銜文英擬請以州同不論雙單月選用 以上八員請照異常給獎 盧龍縣知縣張治仁擬請以直隸州知州在任候補 同知銜直隸補用知縣張徵乾擬請俟補缺後以直隸州知州用 議叙班分省補用通判孫澄擬請俟補缺後以同知仍分省補用 分省補用直隸州州同胡紹銓擬請俟補缺後以知州用 縣丞職銜張恩積白建勳陳慶鼎崔霈附生章國霖均擬請以縣丞不論雙單月選用 試用知縣李昌祿擬請俟補缺後以直隸州知州用 候選訓導劉啓輝擬請俟選缺後以州判選用 以上十一員請照尋常給獎 宣統元年十一月十五日奉 硃批覽欽此

又奏候補道徐鼎襄等請存記等片

再查北洋高等巡警學堂請獎出力各員案內查有監督二品銜直隸補用道徐鼎襄總教習兼總編譯二品銜直隸補用道陳慶懃等二員平時究心醫學在事已逾五年於堂中課程課本均能認真擔認實屬異常出力可否請旨均交軍機處存記又該堂前經聘請日本法政警察各教習到堂以來講授有法學員學生翕然稱服可否請旨賞給洋總教習三浦憲傳二等第三寶星教習矢野健藏二等第二寶星小川勝猪綱岡德五郎二員三等第三寶星以昭激勸出自 鴻施逾格謹附片陳請伏乞 聖鑒訓示謹 奏宣統元年十一月十五日奉 硃批著照所請該部知道欽此

摺片摘要

陸軍部奏山西巡撫丁寶銓應否兼管提督請 旨事十一月十七日奉

又奏議覆兩廣總督奏廉欽內地一律肅清出力各員請獎事單一件同日奉

又奏議覆校閱陸軍五六兩鎮出力各員照章請獎事單一件同日奉

又片奏議覆校閱陸軍五六兩鎮各隨員請獎事同日奉

又奏核覆直隸練軍各營採製軍裝軍火等項用過銀兩事同日奉

又奏核覆北洋復設機器局光緒二十九三十年購買機器等項用過銀兩報銷事同日奉

江撫周樹模奏江省辦理田房稅契徵收稅款數目摺同日奉

旨著兼管提督

旨依議

旨依議

旨依議

旨知道了

旨知道了

硃批度支部知道

又奏請仍以查貴廉補蘭西令摺同日奉

又奏委楊魯等署巴彥州等缺片同日奉

又奏請將掩飾煙癮之協領瑞麟等革職永不叙用片同日奉

知道

又奏裁撤呼蘭廳學正片同日奉

又奏瓊環沿邊轄境分設卡倫等摺同日奉

又奏裁撤木蘭鎮巡防委員片同日奉

又奏酌保江省關稅出力各員摺同日奉

浙撫增韞奏高等學堂監督庶吉士吳震春請授職片同日奉

又奏請以蔣嘉淦補處州府同知摺同日奉

公牘錄要

護督憲崔准外務部電告美國賽會事札飭各海關道查照文

為札飭事准 外務部住電開美署使照稱奉本國外部文西歷明年二月間飛利濱滿呢拉地方賽會仍印就特

為華人聽便赴會之護照請照前兩年成案通行各省有權發照官員曉諭華人如願前往請領護照無須照費等

因希飭各關道通諭商民知悉等因到本護大臣准此除電飭並分行外合行札飭札到該道即便遵照迅速出示

曉諭此札

直隸調查局詳擬訂監獄行政調查書文並批

為詳請事竊職司法制科第二三股遵章應行調查各項行政事宜陸續擬成調查書詳蒙批准然後分別移咨以示慎重查監獄一門治罪懲惡與教育有密切之關係直隸各屬所有內監外監以及待質公所自新所化莠所等名目既異制度各殊亟宜切實考求以為改良之預備茲擬訂監獄行政調查書計分十款另冊繕呈鈞核俟奉批准後由職局分別咨移札行各該管衙門定時報告以備編輯再此次所擬監獄行政調查書俟各項行政彙齊一

併詳請 憲政編查館立案合併陳明所有遵章擬訂調查監獄行政事項緣由理合詳請 憲台鑒核批示祇遵實爲公便

護督憲崔 批據詳已悉所擬監獄行政調查書甚屬妥協應准照辦仰即分別移行各該管衙門遵照報告由局編輯詳咨書存此繳

平谷縣汪令祈稟巡警教練所開辦日期文並批

敬稟者竊查接管卷內前奉 憲檄飭立教練所應變通章程將舊有之巡警分班傳所肄習報查等因卑前縣未及開辦卸事卑職到任接查卑縣巡警經范令設有傳習所一處延聘警務學堂畢業生劉謙甫爲教員將城鄉巡警分班教授稟報在案卑職遂與警界員紳反復磋商將傳習所改爲教練所以符奏定名稱當派警董候選衛守備張錫英董理該所一切事宜兼充所長仍以劉謙甫爲教員劉蘭爲巡記兼充庶務員或盡義務或支薪水均各樂從所內課程辦法一切按照部章力求完備其出入各款皆由該所經理官不經手以清界限飭令該所按月將支發各款榜示通衢用昭大信半載以來始克組織就緒現經卑職遵章於舊有巡警中挑選將老羸不堪目不識丁者概行裁汰一面出示招考擇其粗通文字精力強壯者爲合格合計新舊警兵共得一百二十名以上三十名爲一班分爲四班按班入所遵照定章以六個月爲畢業正在稟摺開辦間蒙木廳下縣督飭卑職定於十月十五日開課除仍由卑職隨時督飭認真教練以裕警才外所有遵飭將傳習所改爲教練所開辦日期理合稟請大帥查核立案再所長張錫英現在自行捐款將辦操帽一百二十頂按名分送警兵洵屬慷慨性成應請 批示嘉獎以昭激勵肅此具稟恭請 崇安伏乞 垂鑒

護督憲崔 批據稟已悉仰警務處轉飭該縣督同教員認真訓練務收實效至所長張錫英捐助警兵操帽洵屬慷慨性成足以風勵薄俗並由處傳諭嘉獎仍飭候 府尹批示繳

豐潤縣馬令爲瑗詳覆 護督憲呈送商會章程暨總理等履歷文

爲詳覆事宜統元年七月十二日蒙 憲台札開宣統元年六月二十四日准 農工商部咨開宣統元年六月十七日接准咨稱據豐潤縣知縣馬爲瑗詳稱查明商董馮啓德被控各節盡屬子虛詳請查核咨銷仍發關防式樣

照章加札委派等情咨請核辦見覆等因前來查該商董被控各節既據該縣詳查明確屬子虛自應准其銷案惟查縣城應立分會照章設總理一員並無協理名目給發圖記式樣亦不得徑稱關防該分會既自稱總分會復舉協理請發關防且閱前擬章程屢有總會字樣所呈各條亦諸多未協均與定章未符應飭會遵章改爲分會所有總分會協理關防各名目均應刪去各鎮祇能公舉商董附入該分會不得復有各鎮分會名目並著另擬安章補送詳細履歷呈部核奪再行加札以符定章相應咨行貴督查照飭遵可也等因到本大臣准此合行札飭札到該縣即便轉飭遵照辦理此札等因蒙此遵即諭飭各商遵照指示另擬安章補送總理詳細履歷核轉去後茲據各鎮商董許學海等聯名稟稱前舉之協理張麟閣既奉農工商部飭無協理名目自應稟請仿照衡水縣辦過章程改爲會董以符定章並總理馮啓德之履歷暨照依地方商情妥擬章程開單稟請轉詳等情前來卑職復查該商董所擬章程核與地方商情尙屬相符自應准如所請除稟批示外擬合開具章程清摺履歷清冊具文詳請憲台查核轉咨加札委派並請頒發圖記式樣以昭遵守實爲公便爲此備由繕冊具呈伏乞 照詳施行須至冊者（章程錄後）

天津縣董事會移請議事會核議簡易識字學塾經費文

爲移請核議事案於宣統元年十一月初五日接准天津縣尊胡照會內開照會事案據勸學所總董華澤沅函稱前奉學憲札飭以本年應設簡易識字學塾由學務公所墊發三個月津貼一百五十兩尅日開辦一面由地方官接濟妥籌的款等因隨即分配各區開設惟豫算經費每處每月教員津貼煤燭等費約需十二元之譜以官立十處計之月需一百二十元以學憲札發三個月一百五十金年前須虧一百五六十元至來年開春必須接辦若不豫籌的款不惟難期推廣卽已成之塾亦恐廢墜良用焦灼昨曾稟商學憲令卽稟承原案會同董事會妥籌理合據情稟明伏乞轉向董事會籌議在董事會豫算學款內加增簡易識字學塾一項以期確定不致廢於半途則幸甚也專肅稟懇等情據此擬合備文照會爲此照會貴會請煩查照祈卽將此項簡易識字學塾本年虧款並常年經費籌酌移覆轉飭遵照速施行等因准此查勸學所稟稱簡易識字學塾以官立十處計之每月需經費銀洋一百二十元計全年需銀洋一千四百四十元事關振興教育自應如數籌撥惟敝會所管學款無多且宣統二年

歲出歲入預算業經定數列表咨請貴會照章議決在案查試辦地方自治章程第九十條凡事件歲出在預算表確定之後者得爲追加預算茲准縣尊照開前因應卽作爲追加預算至應如何籌撥請由貴會併案核議再本年應撥虧款一百五六十元應如何籌給併請核議見覆以憑支給爲此備文移請貴會查核議決見覆施行須至移者

文告錄要

郵傳部批示○職商宋發祥等稟 批據稟暨甘結均悉查該職商等接辦磁州西佐村煤礦具稟既在官礦局奉委之先並係商開舊礦核與章程尙無不符應任其仍就所購張廷璧礦地開採至所請將西佐一村全歸商辦一節與初次原稟不符碍難照准除將稟免攤還官款等情咨行直督查核辦理外仰卽照章呈繳保單及照費銀兩以憑核發執照可也此批

督憲批示錄要○漁業公司孫道會同津海關道詳承辦武清縣漁業商全勃等稟控魁盛永不交蝦稅現已查明請飭縣照律斷結由 批據詳已悉既據該道等會同查明魁盛永所運蝦皮并未在鈔關納稅自應由公司照章抽收稅用乃被巡勇拏獲猶敢狡執不服竟以別項稅單塗改月分捏詞抵制實屬刁玩已極候將照單發還武清縣遵照再行集訊并查明所獲蝦貨一包究係若干斤卽行照律判斷完結詳覆銷案此繳○署慶雲縣徐簡書詳報灶地秋禾被水村莊歉收頃畝銀數由 批據詳已悉希運司彙核詳辦清摺抄發此繳

藩台批示○署無極縣典史韓泰來飭赴張登司巡檢本任遺缺委候補巡檢吳樹棠署理○署盧龍縣典史陳宗藩台批示○署無極縣典史韓泰來飭赴張登司巡檢本任遺缺委候補巡檢吳樹棠署理○署盧龍縣典史陳宗器期滿遺缺委候補府經歷陳宗翰署理○署清豐縣典史文鐸期滿遺缺委候補典史段紹曾署理○署涑水縣典史田開壽期滿遺缺委候補理問汪興海署理○署鹽山縣典史王士秀期滿遺缺委候補巡檢謝汝奎署理○准補大名縣典史李修飭赴新任○署肥鄉縣典史王祖僑患病請假遺缺委候補典史丁駿頤署理○正定府經歷承啓期滿遺缺委署按察司經歷李葆蘭調署遞遺按察司經歷缺委候補吏目茹萃署理○署景州吏目孫師箴期滿遺缺委候補縣丞王運昌署理○新選易州吏目陳謙飭赴新任靜海縣管河主簿王光第南皮縣管河主簿黃金薇各飭回本任○署玉田縣主簿陳祖舜期滿遺缺委候補未入流口錫綸署理○清苑縣

張登司巡檢韓泰來宣化稍營巡檢褚興祖各飭回本任○深澤縣典史李傳松期滿遺缺委候補縣丞徐文丞署理

臬台批示○南樂縣從九王錫光來司呈控一案 批此案現據該縣唐之屏訊擬解勸據唐之屏供認唐棟家失火唐棟賴伊點放嗣伊與唐棟均在戒煙局唐棟說伊母妻與人通姦有玷門風向伊辱罵伊氣忿起意致死用菜刀將唐棟砍傷身死屬實雖所供尙有不實不盡要無魏丕應主使情事現在案已飭發保定府覆審應聽該府訊明核辦爾所控盡出虛構碍難准行候札行保定府並該縣知照粘單附

畿輔近事

官場紀要○新任督憲陳筱帥於昨早九點鐘由京乘坐火車起節十一點鐘抵津定期今日未刻接印○護院於十七日下午在迎賓館齊集通城印委會議新政○山海關道周觀察長齡大名道文觀察冲口北道成觀察和均於前日由任來津赴院稟見

監獄行政調查書目錄○直隸調查局法制科擬訂監獄行政調查書一册已詳奉 護院批准不日將移行各該管衙門照辦茲將目錄摘登如下 第一款關於監獄之法令 第二款監獄現行種類名稱制度 第三款監獄現行房屋制度 第四款何犯應收何監之現行制度 第一目司監 第二目府監 第三目廳州縣監 第五款有獄官之職務權限 第六款管獄官之職務權限 第七款監中所用丁役名稱并其所管事務 第八款監中一切事宜 第九款關於監中文牘册籍 第十款關於監獄之經費

續紀議事會議決補助小學款目○(續昨日)一土城民立三十九小學堂 查該堂前次呈請補助時有紳捐學費二項今調查表內並未登叙本會款項無多所請補助之處難以准議 一大畢莊民立二十七小學堂 查該堂每學生每年平均不足二十元較之他堂已多糜費應期節儉無庸補助 一孫家莊民立三十初等小學堂 查該堂據勸學所報告精神形式不脫私塾應請勸學所極力勸勉逐漸改良俟辦有成續再議補助 一行宮廟民立五十一初等小學堂 查該堂據勸學所報告學生僅四十名成績平平似可併爲一齋經費當可敷用應俟學額擴充之時再議補助(未成立之學堂)一普育女學堂附設蒙養院 查該院建築費已籌有的

款常年費約用洋五百餘元應由會補助一半計洋二百餘元請由該董自行籌集 一王家台及蔡家台初等小學堂 查該堂創辦費已籌有的款常年費約用洋四百餘元應由會補助半數計二百餘元請由創辦費餘款生息及再設法籌集 一何家莊初等小學堂 查該堂初行創立所有款項已搜羅殆盡尙虧洋百元既據勸學所查稱該處缺欠學堂實非一日今既籌有的款所缺之數自應如數補助洋一百元 以上共洋五百元 一芥園設立初等小學堂 請該處董事自行設法籌款實虧幾成再議補助所請芥園廟產自來水股票之處已收入自治經費不能專作一方興學之用 一河東祖師廟初等小學堂 先請自行籌款俟開學時量爲補助 一河東小關初等小學堂 現三元菴一案尙須核議所請補助之處自應從緩 一杜氏女學堂 請將經費節儉再爲核議 以上預備補助洋三百元

天津縣董事會議覆說帖○羅清源爲違諭再行據陳懇祈秉公詳覆以免悞會誣賴說帖當經議覆說帖均悉候函催南羊塢頭村正副來會詢問再爲核議此答又高袁氏爲再行陳情懇請照納原租說帖當經議覆說帖閱悉房間既屬相符租價礙難減讓此答又陳右賢爲再陳強佔命產始末叩祈追償以全命脈說帖當經議覆說帖閱悉候本會與電話局磋商辦理此答又侯福成等爲請開通馬路修築溝渠事說帖當經議覆說帖閱悉已函致工程局矣此答

申請更正購地銀數○天津議事會申津海關道文云爲申明事案查王毓秀與日人井上爭議一案前蒙憲札會同金委廉及日領事館員查勘所有一切詳情業經備文申請憲台查核在案惟內開王毓秀將此地賣與不顯堂價銀一百四十兩茲據該職投遞說帖聲稱實係一百兩合洋一百四十元并非一百四十兩相應更正等情前來准此理合備文申請憲台查照准爲更正以昭核實實爲公便

函催清還籽種銀兩○天津縣議事會致北鄉各村村正函云逕啓者案查貴村村正等請緩償籽銀一案業由董事會查明見覆據稱查明北鄉張獻莊等村於本年夏間報災經縣尊勘驗三成災歉仍應照章完納糧銀又查該鄉一帶收成較東鄉各村不形歉薄現東鄉八莊及范家貫兒等莊均將借款交會北鄉十五村所借籽種銀似應催還以全信用等因准此應請貴村正等從速將所借銀兩送交董事會以便彙還賑撫局無任切切專此

函達卽頌日祺

天津縣議事會覆商務總會函○敬覆者昨奉華函備悉貴會聯合同志舉辦籌還國債會一節盥誦之餘曷勝欽佩敝會本應附驥前趨冀襄盛舉第現屆開本年二次通常會之期甫於昨日閉會在會同人礙難一時召集致形倉猝擬俟下星期一開會據情報告當由議長代表一切趨聆教益事關 國是諒我國民具有同情必當聞之躍躍也所有負約之愆尙希格外鑒原專此肅覆順請助安諸維荃照不備 十一月十六日

長春商會覆天津商會電○有電悉簡章到現與紳學政軍各界立會開議如何籌法容後函聞長春商會覆

札飭保護遊歷外人○護督憲准 外務部咨法教士閱宣化簿循聲均往直隸蒙古游歷又英員安得森楊昂均

往直隸山西游歷又准湖廣督院咨日本人島平一耶赴湖北湖南河南直隸遊歷又准山東撫院咨英人英倫

赴山東直隸河南江蘇安徽江西湖北遊歷又德商石謐德由青島前赴山東直隸河南湖北安徽江蘇遊歷又

據津海關道呈日商山下兼信由津赴直隸山西河南陝西各省遊歷又英員丹拔由津赴直隸河南湖北安徽

江西江蘇山西遊歷各等情除分咨外已通札所屬文武照章保護矣

巡警總局紀事○天津南段巡警總局現因特許廣告日見繁多地址紛歧難免有未經特許而私行設立者現已

傳飭各局區隊派警在各該界內詳細查勘將所有廣告數目查明有無特許字樣或已經來局納捐領有執照

方爲核算倘有未經納捐亦無領取執照私行設立悉屬偷漏切實具覆以便核奪罰辦云

浙省委員來津調查工藝○浙江勸業道選派委員李君南陔特來天津調查工藝已於前日蒙 護督憲飭令至

直隸出品協會調查一切

協會出品分部預備○直隸出品協會昨接南洋第三期廣告二十四部物品分爲九館故該會亦擬查照南洋辦

法按九部預備

各省近事

政治

呈報設立籌備專處○吉林農安縣壽大令鵬飛在署內創設憲政籌備專處派諳習法政人員專理其事當將創

辦情形暨章程稟報公署並聲明該處經費因地方財政竭蹶萬分無可籌撥暫行捐廉以俟籌有的款再行開支等情奉批據稟暨章程均悉籌備憲政於縣署設立專處所擬章程亦尙妥洽足徵辦事有條深堪嘉尙應准如稟備案仰卽妥速籌辦幸勿始勤終惰是爲至要仍將籌辦各項事宜按月遵章呈報以憑考核云

札委督轅總文案員○護鄂督楊俊卿制軍以本轅各科文案如楊道懿年張道預等現已隨直督陳制軍往津而文案吳道肇邦又委署漢關道篆不能兼顧轅下文牘之事爰於日前札委前在張文襄府第總核書記之湖北候補知府張望岷太守爲本轅總文案月支薪夫銀三百兩以示優待至其餘各科文案以及文武巡捕均加札留辦以資熟手

財政

調查徵收之慣例○安徽監理財政官爲調查徵收慣例特移文蕪湖關道請卽聲覆略謂奉 度支部奏定各省監理財政局章程第十六條內載有清理財政局應調查該省各項徵收慣例擬訂丁漕鹽課關稅釐金及其他雜稅等項改良徵收章程各等語查本省各屬徵收錢糧雖於同治年間由藩司會同善後局詳定章程然地丁收庫平銀自一兩二錢零至一兩四錢漕折收錢自四千文至六千數百文不等是原定之章程本非一律而徵收習慣以銀元折銀收錢折銀或收銀元折錢市價與櫃價高低不同此邑與彼邑情形亦異至於關稅釐金以及契稅牙稅煙酒稅蹄角稅等款收銀收錢展轉折換各署局所往往隨時隨地略加變通以上各項或則有案可憑或則相沿成習已不始自今日况現定部章但有改良之條文並無追究既往之苛例事關創始非將通省徵收習慣調查明悉敝局無憑懸擬爲此合行移請貴關道請煩查照將貴關所有徵收慣例詳細聲叙移送過局並祈轉飭所屬一體遵照查明彙送

通飭改良統捐章程○鄂督陳制軍因湖北釐稅完納辦法紛歧刻已飭據派往長江上下游調查統捐委員連令炳稟稱奉委調查各屬統捐重輕不一有利於官無益於商請飭改良以重商務等情爰札飭全省統捐總局會同善後局委員詳慎擬定劃一統捐章程呈核後業經分飭各關卡一律遵照矣

實業

組織農事研究會○浙江嘉興府十月十六日有盛君譜蘭沈君次峰等發起組織農事研究會假精嚴寺會議已於上月十六日開會到者四十餘人提議水利及去禾稻生蟲諸問題並於十一月初八日開成立會云

決定出品協贊展覽會場○浙江嘉興府七縣於上月十六日聯合出品協贊會在事務所開第一次議會七邑評議員到四十九人決定租賃蘭溪公所(在東門外離車站甚近)爲展覽會場各縣出品限十二月十五日以前一律送所云

武漢勸業獎進會閉會○湖北武漢勸業獎進會自九月十五開幕至十月晦日已足四十五日期限所有陳列各物品均經審查分別等第給獎金銀銅牌又於十月二十七八九三日縱覽三天不須入場券亦可參觀以爲閉會餘與三十日舉行閉會禮司道各官與在會商人均到會行禮由會中總辦將品評各物意見與諸商詳細討論盡歡而散

各國新聞

英國擴充內地航務○路透電云英國內地河道航務委員提議設立水利公所以便擴充內地河道航務由米德蘭地方與各大埠相通須籌備的款一千七百五十萬鎊聞英政府擬協助此款

籌款整頓衛生事宜○路透電云法內閣宣布擬在法京籌借公債三十六兆鎊整頓衛生及地方公益之事

德親王遊歷非洲○路透電云德國利普聯邦馬利司親王現啓程赴非洲烏甘達遊歷聞須在該處遊歷三月有探險家布福洛伯爵隨行

摩國添築港口○柏林電云摩洛哥國現已議定建築拉爾士港口德國公司於港口工程須佔大半聞摩國通智爾埠商會對於摩國借款一事甚爲贊成

土國更換首相○柏林電云土國駐義大利全權公使哈克伯氏現在升爲土國首相

俄皇擬赴舊都○柏林電云俄皇偕其後擬於耶穌復生佳節赴舊都莫斯科居留十日

俄德船案交涉將結○柏林電云德國船主海洛非德氏與司威靈氏因於日俄戰時售賣輪船安哈洛德號於俄國現有保證銀四百萬盧布在德京被人扣留極力與俄國抗議現俄政府派委員一人在德京以便將此事和平了結聞兩造均擬從速議結以免拖延云

德員提議軍式體操○倫敦電云據德京消息德國陸軍大臣現在宣布所有學堂學生均須練習軍式體操以振尚武之精神現社會黨報紙極力反對謂此舉政府將干預民間之教育云

一新舊舖商如願入會者先由商董查明本錢多寡公同酌議可隨本街入會者即許入會不准勉強
一新開市商舖應由本鎮商董查實舖東何人舖本若干將其紅賬呈由商務分會核明登註總冊蓋用驗訖戳記
以備查考而免空局誣騙

一遇有關閉之舖本街商董即應查各賬果不虧錢則毋庸議如虧即由商董查明存項並貨物傢具若干照依估
價其舖房係該東自產亦佔在內除知會巡警看守外即行稟明變賣分償倘不敷抵仍由商董查明舖東家產
稟請傳追雖結案後如有私藏再由商董稟究以警傾騙而違商例

一無論鄉民舖商拖欠各商銀錢屢討不給意欲呈控者先行携帶底賬呈由商務分會核明呈內所列數目與賬
如果相符者蓋用商會核對數目相符戳記由該商遵章投遞聽候批示以免縣尊查賬之繁質訊時仍持原賬
呈堂以憑訊斷

一在會各商爲舖事到城有本鎮商董圖記公事准住會所自備資斧由廚役支應一切不在會者不准住宿會所
一外境鄉民商舖傾欠在會商舖銀錢者本街商董查明屬實代訴商務分會轉稟縣尊會票關追以免無着

一在會商舖如銀錢賬目彼此相爭由商務分會總理會董理處不服稟請縣尊查究

一在會商舖外省外縣舖東拒掌遇有關閉非舖事清楚不許回家違者由商董送究

一商家因市面緊迫一時週轉不靈或因放出之賬暫難收回以致不能應期償還者准其據實呈報商董邀集各
債主會議酌予展限或另籌辦法免致倒閉以盡維持之誼

一倒閉前兩月以內該商將財產貨物故意贈與人或假托抵押債主或將未到期之債提前償還者有確實證據
者由商董將前項追回歸入財產項下辦理違者控追

一在會之舖倒閉經商董查明已破產者實係情出無奈並無寄頓藏匿等弊應將現存財產貨物公估變賣得價
並追清人欠之款通盤核算定出平均成數攤還各債主收回即各具領狀貳紙分送縣尊及商務分會存案

一商存公款遇有倒閉如數賠償

一商舖倒閉如有外客浮存貨物糧石經商董查明屬實取有妥保准許運出

一商會總理會董有保商振商之責凡各鎮商董遇事未便親往則函知總理會董於縣尊前代爲陳訴或因被傾情急並緊要事件不能到案立訴陳之總理會董體察屬實於縣尊前代爲陳訴亦可

一總理會董若有徇私偏袒情事准各商董聯名稟請斥退

一商董辦公若有徇私偏袒情事准各商聯名稟請斥退

一凡可興利除弊之舉必須邀集各商董會議議決方可舉辦不得擅專

一前開過舖商欠人折還者再開舖商不准入會統川來往

一商董應確實查明本街各舖資本若干股東何人開冊蓋用本號圖記呈由商務分會登註總冊備查

一倒閉之舖雖經商董查明不缺本街各舖銀錢只缺鎮下鄉戶銀錢亦照破產例由商董稟明總理縣尊照例核

追

一總理會董聞各鎮一有倒把之弊卽行知會商董從速禁止不服稟究

一各鎮商董送信差遣薪工川資均由商董自行籌備

一鄉民欠貨物作中秋年底貳節清賬如不清償不得再賒以免累欠

一在會商舖如外省外縣舖東歷年由商董查明各賬果不空虛方許川換來往如空應卽除會不服稟究

一本鎮有事憑商董戳記函知商務分會轉稟縣尊查辦

一借貸或賒糧石如有註明保人者一有傾騙卽責成保人償還

一控追私債提成之案經商會同自治社評議者歸商會自治社兩所平分作爲商會局所常年經費理合登明

涿州巡警教練所變通現行簡章

第一章 總則

第一條 巡警教練所以造就巡警資格爲宗旨

第二條 巡警教練所學堂操場設在州城總局內

第三條 教練所經費以力求撙節核實期可持久爲宗旨每月除由州署捐發洋銀二十元外無論大小區局各

枯骨回春

大連市華商公議會書記患胸膈疼痛吐血各症服韋廉士大醫生紅色補丸而得身體強健有力茲承其來函云
 余姓樂名寶廷奉天省金州西山凌水河子人也現年四十六歲幼多疾病常患咳嗽先父因病溺愛遂致廢讀於
 二十二歲投効殺軍受知前故直隸提督馬玉崑列為幕友光緒甲午年中日之役戰於韓之平壤大同江岸鑿戰
 失機左腿誤中流彈流血斗餘大受窘迫兼之體本虧弱漸致紅虛癆十餘年形銷骨立否泰靡常戊申之歲勉應
 大連市小崗子華商公議會書記一職至秋十月突覺心跳神迷頭暈目眩飲食不進漸至夜睡不甯合眼驚痛心
 怖氣促狀類怔忡種種異症莫可言喻曾服方藥百有餘帖毫無進益自維受病日深難望安痊悲悶中檢閱盛京



樂君寶廷自述
 曾獲韋廉士大醫生紅色補丸之奇效

新報載有韋廉士大醫生紅色補丸療治各病奇驗異常因即購服一瓶越
 十餘日覺有轉機爰乃接服二瓶沉疴若失諸疾頓消余架惑○廉士大醫
 生紅色補丸活我之意莫可圖報敬擬枯骨回春四字用彰大德以表謝忱
 也據其書中所述韋廉士大醫生紅色補丸使其有稠紅有力之新血復其
 精力而得強壯然韋廉士大醫生紅色補丸常以達入血中之法醫治天下
 患風溼骨痛腎散痠痕腰骨疼痛氣喘咳嗽氣管發炎諸虛
 百損少年斷喪陽萎不舉左癱右廢脚氣衝心肝經各病頭
 痛頭暈乾溼癬癩瘰癧疔疹皮膚諸症已不知凡幾矣是丸又為醫

治幼女壯婦經水不調一切各症之良藥其奏效之神速固非他種補藥所可望其項背也 韋廉士大醫生紅色
 補丸中國各處商店藥局凡經售西藥之處均有出售或直向上海九江路B字第八號韋廉士大醫生藥局中國總
 發行處購買亦可 價銀每六瓶八元 每一瓶大洋一元五角 遠近郵費一律不取
 謹告購藥諸君能療疾病者係真正韋廉士大醫生紅色補丸並非若市上所售影射漁利之紅血紅衣等丸也謹
 防假冒勿為所悞

上海九江路B字第八號韋廉士大醫生藥局啟

新 啟

告廣司公限有灰洋



啓者本公司係承受唐山洋灰公司老廠另購外洋最新式機器旋磨等創設
 新廠自丁未臘月新廠開機以來出貨加增行銷愈廣灰質經本廠西洋化驗
 師悉心研究精益求精會寄由德國國家栢林及日本關東都督府各化驗所
 驗得動力堅力及凝結時刻灰之粗細均合要工所用其成色與外洋最高之
 貨相等倘有機器製造之缸磚花磚洋灰瓦水溝管管子等項無論躉零交
 易均可本公司總理處設在天津海大道英租界並在北京奉天大連烟台牛
 莊青島上海漢口南京鎮江各埠均設有經售處如蒙 賜訂大批價值從廉
 交貨不悞期限所有洋灰及各種磚瓦等件重量式樣大概用法另刊有華洋
 文廣告 光顧諸君請向本公司索閱面議一切可也

德律風一千三百零九號

利文洋

本行開辦天津上海香港志呢華海參巖等處均設立有年諸般貨物由外洋本廠自造
 蘭洋鐘皮套鐘天文坐卦等鐘以及金銀夾金銅鑲等表約有二百餘宗並各樣表鍊金鑲珠寶
 鑽石戒指耳墜鑲子表鑲大小八音盒並留聲話匣單雙桶千里眼磁鑲碧花穿衣鏡妝梳洋鏡
 大小皮包法蘭洋鏡又新到轉盤換調器匣八音盒價值格外從廉什宦官商光顧者請移玉紫竹林法租界本
 行面議可也 本行主人啓

瑞林祥元記

綢緞洋貨莊

本號開辦北京前門外鮮魚口天津估依街中開路北山東濟南府院西路北自置綢
 緞紗羅頭繡蟒洋貨布疋各色喇哩厚呢京廣什貨俱全貨高價廉劃一不二後廳內專售
 綠貨織絨袍料衣包被套口袋線毯毛毯零賣均照行價發兌中外 紳商賜顧移玉是幸
 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額
 磁銅料器珠藍 奇巧美術玩器 學界文房用品 旋行携帶等件 精工變身物料
 定織各色帶氈 現又擴充樓房 極其寬闊高大 如蒙官商光顧 價值格外從廉
 本行隨便入覽 電一千三百七十四號 天津法租界 武齋洋行謹啓

獲鹿縣甘肅賑捐諸善士花名清單

任洛改 徐印魁各捐洋十元 王舉 孫誠嘉各捐洋五元 王彥生 陳順來 姚夢梅 萬豐棧各捐洋四元 英美煙捲公司 嚴恩林 安陽官礦局 林實 周鳳章 劉玉祥 王存 劉恩普 俞德馨各捐洋二元 京漢站長吳仲芳三元 可老爺 李潤唐 呂仙瑞 王仲卿 王興成 王漢藻 瑞豐樓 無名氏 無名氏 興茂棧 泰安棧 泰來棧 永長公司 和興棧 大興棧 廣利棧 晉義棧 晉陽棧 魁盛棧 天成棧 謙義棧 俞其助 何永泉 李凌閣 殷仁慶 無名氏 不書名程 寶豐柜 米振芳 辛集商務分會 張建第 吳鑫山 鄒近富 三合澡堂 蔣永春 張占元 任洛已 鞏雪溪各捐洋一元 四合局十角 無名氏九角 振一棧 汾州店 人和棧 殷和貴 于慶長 齊琨 張耀 李柏 趙祥 李萬順 馮德元 翟文學 王慶仁 張銘慶 邱德發 胡廷柱 陳寶山 邵發 孫餘廷 孫玉坡 祖和貴 郭希孟 劉富貴各捐洋五角 長發棧 杜永發各捐洋二角 義務戲四天共收票資洋一百一十二元二角 獲鹿縣石家莊萬豐棧主姚夢梅俠士也爲人慷慨激昂每遇地方公益無不踴躍從事茲因甘肅巨災各省皆有協濟該紳接太原友人來函立約慈善會張越鐘韓星五王紹農翟經正諸君極力演說並演義務戲四日共集洋二百一十餘元現已寄交太原甘肅募賑分會收匯如姚君者可謂不分畛域造福同胞者矣

商務印書館出版各書上海總發行所

會典 會典事例全書 版式大小謹遵 商務印書館恭印

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖書悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖主函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今今年止凡二十五期 其初蒐無故事朝野皆奉一憲政爲準繩爲國

爲民政府與議員各盡其道中間財政之抗爭 法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四册定價一元五角茲因諮議局不日開辦趕將前二册先行出版後二册七月 出版預定者實價一元收到書價後即交前二册並付收條俟後二册出版時憑條取書特此預告外埠郵 費照加

天津分館開設 河北大胡同 電話五百二十六號

張家口撫民府長慶續勸募賑捐銜名列後

察哈爾都統誠一百兩 察哈爾副都統額二十兩 張家口監督文二十兩 駐防張家口八旗蒙古協領富四兩 奏派察哈爾全防礦政事宜湖北候補道彭四兩 花翎記名副都統德一十兩 委辦宣化府籌款分局直隸候補知縣何四兩 駐防張家口左翼四旗協領烏四兩 張家口驛傳道宗室銓四兩 察哈爾右司員外郎恩四兩 陸軍部主事和四兩 察哈爾牛羊羣值年主事舒四兩 察哈爾大馬羣值年主事世四兩 察哈爾大馬羣值年筆帖式毓一元 張家口土藥統稅分卡王四兩 萬全縣張家口縣丞阮四兩 吳霞村四兩 察哈爾牛羊羣值年筆政保二元 察哈爾洋務總局總辦額四兩 張家口電報局二元 蔡願持四兩 察哈爾印務處員外郎玉二元 以上張家口撫民府長續募原單共捐銀一百六十六兩除減平扣實銀一百六十四兩二錢二分洋元四十五洋按市價合銀二十九兩四錢三分兩宗統共合口平銀一百九十三兩六錢五分換天津公砵平銀二百零一兩一錢八分前件銀兩已由劉董事赴津面交今特補送各善士銜名務祈一併刊登報章爲荷 清豐縣正堂德潤二十元 滿城縣右堂屠開震二元 獨石口同知瑞徵十二元 又代募七元 共四十一元 保定府錫齡阿一百元 旗奉吉江會館董事劉旭庚十元 旗奉吉江會館董事李學富十元 旗奉吉江會館董事石立坊十元 旗奉吉江會館董事葆勛十元 旗奉吉江會館董事文惠一元 蔚州正堂普容十元 元氏縣右堂王佐卿三元 贊皇縣右堂陳榮桂二元 督院筆帖式文璽一元 准補交河縣典史徐瑞卿二元 候補府經歷王宏濟二元 旗奉學堂庶務劉潤二元 旗奉學堂教習崔桐罔二元 保定理事同知平喜一元 候補知縣兆治一元 習藝所典獄官劉書雲代募洋二十元 候補知縣馬桂春二元 兩江中學堂教習赫英豪一元 齊國榮一元 崔曝 洪賢琦一元 崔宗錫 陸鼎勳一元 林裕年五角 丁皖五角 任縣右堂朱桂芬四元 長垣縣正堂田鴻文十元 新河縣正堂王澍霖十元 又代募鄭熙之一元 汪頰之二元 郭子芳一元 劉澍三一元 李鸞翔一元 孟有麟一元 宋玉佩一元 趙麟閣一元 崔夢熊一元 德慶祥一元 義增當二元 仁德堂一元 慶福永一元 祥甯布店一元 沈小裴一元 許印清一元 牛紹庭一元 賈福一元 共計銀洋三十元

(未完)

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

催繳甘賑捐冊廣告

查甘賑捐冊有三百餘分未經交回同人擬再展限二十日至十月底務望一律交齊是所至盼
官報局甘肅籌賑處謹啓

助柴鳴謝

啓者本堂收養孀孤年來人數增多不獨米糧用鉅而冬令燒柴尤爲大宗茲承建造處陳建侯總辦惠助木柴二萬數千斤作炊爨之用黍谷回春不衣自煖似此樂善好施盡登報端用鳴謝悃
廣仁堂公啓

鳴謝助款

邑紳花翎候選道李公鴻翰謹遵故父李公鍾瑋遺命節省喪資以例銀三千兩捐助本堂經費業經收訖當此籌款困難承大紳善承先志慨濟多金實爲好義可風同深感佩除由本堂詳請督憲奏獎外理合登報鳴謝以爲樂善好施者勸
天津廣仁堂謹啟

天津南開私立第一中學堂招考

新班學生
考期一在本年十二月初六日上午一在明年正月十八日下午

工商演說廣告

啓者十一月十八日晚八鐘至十一鐘仍借東宣講所內演說工商各項要理並請韓鏡湖先生演說電鍍五金法宋則久先生演說家庭工藝紀管濟先生演說飲食品與經濟衛生之關係務乞各工屆時惠臨入聽不取分文特先佈告
天津勸工陳列所謹啓